



organizata për rritjen e cilësisë në arsim

ANALIZA E KONKURSTIT
PËR ZGJEDHJEN E
PERSONELIT AKADEMIK
MËSIMDHËNËS
NË UNIVERSITETIN E
PRISHTINËS 2018

Publikues:

ORCA - Organizata për Rritjen e Cilësisë në Arsim

www.orca-ks.org

info@orca-ks.org

Simon Shiroka, H-11, Nr. 8,

10000 Prishtina, Kosova

Autorë:

Adea Kondirolli

Hulumtuesit:

Adea Kondirolli, Durim Jasharaj,

Gramos Buçinca, Venera Çoçaj

Prishtinë, gusht 2018

ORCA është anëtare e Koalicionit për Integritet dhe Transparencë në Universitet - KITU, mbështetur nga Fondacioni i Kosovës për Shoqëri të Hapur - KFOS. Ky raport është pjesë e programit të KITU-së. Ky grant është realizuar me përkrahjen e projektit Sfidimi i Korrupsionit në Arsimin e Lartë i financuar nga Fondacioni i Kosovës për Shoqëri të Hapur (KFOS). Përmbajtja është përgjegjësi e ORCA dhe në asnjë mënyrë nuk mund të konsiderohet si qëndrim i KFOS-it.



Ky botim është realizuar me përkrahjen e projektit Promovimi i Shoqërisë Demokratike (DSP) – i financuar nga Agjencia Zvicerane për Zhvillim dhe Bashkëpunim (SDC) dhe Ministria e Punëve të Jashtme e Danimarkës (DANIDA) dhe menaxhuar nga Fondacioni Kosovar për Shoqëri Civile (KCSF). Përmbajtja e këtij botimi është përgjegjësi e ORCA dhe në asnjë mënyrë nuk mund të konsiderohet si qëndrim i SDC-së, DANIDA-së apo KCSF-së.




Tabela e përmbajtjes

Hyrje	4
Metodologji	5
Rezultatet e përgjithshme	7
Përfundime dhe rekomandime	9
Fakulteti i Filozofisë	9
Fakulteti i Shkencave Matematiko-Natyrore	10
Fakulteti i Filologjisë	11
Fakulteti Juridik	12
Fakulteti Ekonomik	13
Fakulteti i Ndërtimtarisë dhe Arkitekturës	14
Fakulteti i Inxhinierisë Elektrike dhe Kompjuterike	15
Fakulteti i Inxhinierisë Mekanike	16
Fakulteti i Mjekësisë	17
Fakulteti i Bujqësisë dhe Veterinarisë	18
Fakulteti i Edukimit Fizik dhe i Sportit	18
Fakulteti i Edukimit	19

HYRJE

Duke konsideruar faktin që 72% të profesorëve ekzistent të Universitetit të Prishtinës nuk justifikojnë titujt e tyre sipas ligjeve në fuqi, ORCA ka vazhduar hulumtimin e buletineve të aplikimeve të profesorëve për emërim, riemërim, apo avancim në tituj akademikë në UP, në mënyrë që profesorë që nuk përmbushin kriteret të mos bëhen pjesë e universitetit.

Për të mos e lënë këtë proces vetëm në aspektin e hulumtimit të aplikimeve, ORCA gjithashtu monitoron votimet e Senatit për kandidatët, duke u kujdesur që të reagojë për çdo avancim jomeritor.

Kjo analizë vjen si përmbyllje e procesit të hulumtimit të ORCA-s për konkursin 1-173 të datës 27.04.2018 për zgjedhjen e personelit akademik në Universitetin e Prishtinës.

Në këtë proces ORCA ka vënë re një përmirësim të dukshëm të përmbushjes së kriterit të punimeve shkencore nga profesorët e Universitetit të Prishtinës. Kjo vjen edhe si rrjedhojë e precizimit të kriterëve përmes Udhëzimit Administrativ 01/2018 dhe 07/2018, si dhe Rregullores 465 Për Procedurat Përzgjedhëse Lidhur me Emërimin, Riemërimin dhe Avancimin e Personelit Akademik në Universitetin e Prishtinës "Hasan Prishtina".

Nga 199 kandidatët e shqyrtuar nga ORCA, 153 plotësojnë kriteret për t'u zgjedhur, rizgjedhur ose avancuar si staf akademik. Në përqindje kjo shprehet në 77%. Vitin e kaluar kjo përqindje ka qenë 45%, që tregon një përmirësim të dukshëm në përmbushjen e kriterëve ekzistuese.

ORCA konsideron se mënyra ekzistuese e emërimit, riemërimit dhe avancimit të stafit lë shumë hapësirë për interpretime, korrupsion, nepotizëm, klientelizëm, dhe që një mënyrë për ta bërë procesin transparent dhe meritokratik është themelimi i një autoriteti qendror me pjesëmarrje ndërkombëtare që verifikon, unifikon dhe dhuron titujt akademikë.

METODOLOGJIA

ORCA ka bërë shqyrtimin e publikimeve në revista shkencore ndërkombëtare të kandidatëve për mësimdhënës të vlerësuar pozitivisht nga komisionet vlerësuese përkatëse. Publikime këto, të përcaktuara si kriter nga Ligji për Arsimin e Lartë në Kosovë, Statuti i UP-së për zgjedhje në njërin nga titujt akademik: profesor asistent, profesor i asocuar apo profesor i rregullt. Ky kriter siguron aktivitetin e vazhdueshëm shkencor, i cili është kyç në përvetësimin e metodave dhe rezultateve bashkëkohore, mbi të cilat garantohet mësimdhënia dhe kontributi i qëndrueshëm shkencor.

Baza ligjore

Për shqyrtimin e revistave shkencore të punimeve të publikuara të kandidatëve në Universitetin e Prishtinës janë marrë parasysh:

1. Ligji për Arsimin e Lartë në Republikën e Kosovës¹
2. Statuti i Universitetit të Prishtinës (UP), gjegjësisht Nenet 175, 176 dhe 177.²
3. Udhëzimi Administrativ 01/2018 Parimet e Njohjes së Platformave dhe Revistave Ndërkombëtare me Recenzion.³
4. Udhëzimi Administrativ për Plotësimin dhe Precizimin – (Aneksi –I- MASHT) 7/2018 e Udhëzimit Administrativ 01/2018 Parimet e Njohjes së Platformave dhe Revistave Ndërkombëtare me Recenzion.⁴
5. Rregullorja 465 Për Procedurat Përzgjedhëse Lidhur me Emërimin, Riemërimin dhe Avancimin e Personelit Akademik në Universitetin e Prishtinës “Hasan Prishtina”.⁵

Për pozitën profesor asistent, kandidatët duhet të kenë të publikuar të paktën një punim shkencor në revista shkencore ndërkombëtare me recension, relevante sipas Statutit të UP-së, si autor të parë apo korrespondent. Rrjedhimisht sipas rregullativave aktuale koeficientin e publikimeve duhet ta kenë 1.

Për pozitën profesor të asocuar, kandidatët duhet të kenë të publikuar të paktën tri punime shkencore në revista shkencore ndërkombëtare relevante sipas Statutit të UP-së, si autor të parë apo korrespondent. Rrjedhimisht sipas rregullativave aktuale koeficientin e publikimeve duhet ta kenë 3.

Për pozitën profesor të rregullt, kandidatët duhet të kenë të publikuar të paktën pesë punime shkencore në revista shkencore ndërkombëtare relevante sipas Statutit të UP-së si autor të parë apo korrespondent. Rrjedhimisht sipas rregullativave aktuale koeficientin e publikimeve duhet ta kenë 5.

1 Ligji Nr. 04/L-037 për Arsimin e Lartë në Republikën e Kosovës: <https://gzk.rks-gov.net/ActDetail.aspx?ActID=2761>

2 Statuti i Universitetit të Prishtinës: <http://fiek.uni-pr.edu/Files/Dokumente/Relevante/Statutiversioniifundit.aspx>

3 Udhëzimi Administrativ 01/2018 Parimet e Njohjes së Platformave dhe Revistave Ndërkombëtare me Recenzion: <http://masht.rks-gov.net/uploads/2018/01/ua-nr-01-2018-parimet-e-njohjes-se-platoformave-dhe-revistave-nderkombetare-me-recension.pdf>

4 Udhëzimi Administrativ për Plotësimin dhe Precizimin – (Aneksi –I- MASHT) 7/2018 e Udhëzimit Administrativ 01/2018 Parimet e Njohjes së Platformave dhe Revistave Ndërkombëtare me Recenzion: http://masht.rks-gov.net/uploads/2018/05/ua-7-2018-per-plotesimin-dhe-precizimin-e-ua-parimet-e-njohjes-per-revistat-nderkombetare_1.pdf

5 Rregullorja 465 Për Procedurat Përzgjedhëse Lidhur me Emërimin, Riemërimin dhe Avancimin e Personelit Akademik në Universitetin e Prishtinës “Hasan Prishtina”: <https://www.uni-pr.edu/desk/inc/media/C15E46D5-5159-4E97-B8CB-D69734E39CA4.pdf>

Objekti i shqyrtimit

ORCA ka shqyrtuar publikimet shkencore të të gjithë kandidatëve të cilët janë vlerësuar pozitivisht për emërim, riemërim apo avancim nga komisionet e tyre vlerësuese.

Të gjithë kandidatët e shqyrtuar janë marrë nga buletinet e publikuara në uebfaqen zyrtare të Universitetit të Prishtinës (UP) – uni-pr.edu⁶, gjatë periudhës 24.05.2018 deri me 17.07.2018. Këto buletine përmbajnë të dhënat zyrtare të aplikacionit të secilit kandidat, sipas formës së kërkuar nga Senati i UP-së, si dhe paraqesin dëshminë me shkrim të vlerësimeve të komisioneve vlerësuese për secilin prej këtyre kandidatëve.

Publikimet shkencore janë të listuara në pikën A “Publikime në revista ndërkombëtare shkencore në frymën e nenit 175, 176 dhe 177 të Statutit të UP-së, në pajtim me Rregulloren Nr.465”, tabelën II.1 “Numri i publikimeve si autor i parë dhe si autorë korrespondent”, nga komisionet përkatëse vlerësuese.

Për arsye të natyrës specifike të tyre, ORCA nuk ka bërë shqyrtimin e punimeve artistike të cilat kërkohen si kusht ekuivalent i publikimeve shkencore për Fakultetin e Arteve.

Rrjedhimisht, kandidatët për mësimdhënie në Fakultetin e Arteve nuk janë pjesë në raportin e ORCA-s.

Shqyrtimet e revistave

Duke u bazuar në UA1/2018, UA7/2018 dhe Rregulloren 465 të UP-së, ORCA ka vendosur koeficiente për secilin publikim të listuar në tabelën A II.1. Këta koeficiente janë vendosur përkatësisht sipas databazave ku janë të indeksuara revistat me koeficientet 1, 0.85 apo 0.70 apo sipas revistave të listuara në rregullativat e përmendura me koeficient 0.55.

ORCA i ka barasvlerësuar me koeficient 0 punimet e publikuara në përmbledhje konferencash, raportet, projektet, librat apo kapituj librash të cilat nuk janë revista shkencore ndërkombëtare, si dhe punimet të cilat janë në proces të publikimit, apo punimet për të cilat autorët kanë marrë çfarëdo konfirmimi nga revista përkatëse, por që nuk janë publikuar.

Publikimet në revista shkencore të vendeve fqinje, sipas UA 7/2018 duhet të jenë të indeksuara në të paktën njërin nga databazat indeksuese akademike Scopus apo Web of Science për të pasur koeficient. Sipas UA 7/2018 revistat nga shkencat e Albanologjisë që janë vendore apo të Shqipërisë barasvlerësohen me koeficient vetëm nëse kanë redaksi ndërkombëtare.

Sipas UA 1/2018, punimet e publikuara në revistat që janë pjesë e listave të revistave të dyshimta apo që këto revista i kanë botuesit pjesë të listave të botuesve të dyshimtë, barasvlerësohen me koeficientin 0; përjashtimisht vetëm në rastet kur këto revista kanë qenë të indeksuara në njërin nga databazat indeksuese akademike Scopus apo Web of Science në kohën e publikimit të punimit. Si lista të revistave dhe botuesve të dyshimtë sipas Rregullores 465 të UP-së janë marrë listat e profesorit Jeffrey Beall.

6 Buletinet UP: <https://www.uni-pr.edu/page.aspx?id=1,54>

Rezultatet e përgjithshme

Nga 26 buletinet e shpallura nga Universiteti i Prishtinës, ORCA ka shqyrtuar 23 (duke përjashtuar buletinet nga Fakulteti i Arteve). Në këto 23 buletine janë rekomanduar pozitivisht 200 kandidatë nga komisionet vlerësuese.

Nga 200 kandidatë, 53 kanë kandiduar për pozitën profesor i rregullt, 63 kanë kandiduar për pozitën profesor i asocuar, dhe 83 kanë kandiduar për pozitën profesor asis-

tent. Një kandidat nga Fakulteti i Edukimit është nga fusha e arteve figurative, dhe rrjedhimisht nuk merr pjesë në analizë.

Nga 199 kandidatët, 153 plotësojnë kriteret për t'u zgjedhur, rizgjedhur ose avancuar si staf akademik. Në përqindje kjo shprehet në 77%. Vitin e kaluar kjo përqindje ka qenë 45%, që tregon një përmirësim të dukshëm në përmbushjen e kriterëve ekzistuese.

Profesorët e UP-së			
Fakulteti	Meritorë	Jo-meritorë	Total
Fakulteti Filozofik	7	5	12
Fakulteti i Shkencave Matematiko – Natyrore	21	6	27
Fakulteti i Filologjisë	9	7	16
Fakulteti Juridik	7	2	9
Fakulteti Ekonomik	8	2	10
Fakulteti i Ndërtimtarisë dhe Arkitekturës	12	5	17
Fakulteti i Inxhinierisë Elektrike dhe Kompjuterike	8	1	9
Fakulteti i Inxhinierisë Mekanike	11	0	11
Fakulteti i Mjekësisë	53	9	62
Fakulteti i Bujqësisë dhe Veterinarisë	12	4	16
Fakulteti i Edukatës Fizike dhe i Sportit	1	3	4
Fakulteti i Edukimit	4	2	6
Total	153	46	199

Tabela 1. Rezultatet e përgjithshme të hulumtimit të ndarë sipas fakulteteve dhe vlerësimit të ORCA-s

Rezultatet e përgjithshme të hulumtimit			
Titulli akademik	Numri i kandidatëve	Pozitiv nga ORCA	Negativ nga ORCA
Profesor i rregullt	53	33	20
Profesor i asocuar	63	47	16
Profesor asistent	83	73	10
Total	199	153	46

Tabela 2. Rezultatet e përgjithshme të hulumtimit të ndarë sipas gradave dhe vlerësimit të ORCA-s

Punimet e paraqitura nga profesorët			
Fakulteti	Punimet që kanë koeficient	Punimet që nuk kanë koeficient	Total
Fakulteti Filozofik	18	44	62
Fakulteti i Shkencave Matematiko – Natyrore	158	77	235
Fakulteti i Filologjisë	46	48	94
Fakulteti Juridik	47	24	71
Fakulteti Ekonomik	42	15	57
Fakulteti i Ndërtimtarisë dhe Arkitekturës	34	10	44
Fakulteti i Inxhinierisë Elektrike dhe Kompjuterike	27	10	37
Fakulteti i Inxhinierisë Mekanike	118	7	125
Fakulteti i Mjekësisë	207	73	280
Fakulteti i Bujqësisë dhe Veterinarisë	50	33	83
Fakulteti i Edukatës Fizike dhe i Sportit	3	14	17
Fakulteti i Edukimit	9	14	23
Total	759	369	1128

Tabela 3. Numri i punimeve shkencore dhe punimeve që nuk numërohen për këtë proces të ndara sipas fakulteteve

Përfundime dhe rekomandime

Mosplotësimi i kriterit të publikimeve shkencore nga kandidatët vazhdon të mbetet real edhe pas kritikave nga raporti i kaluar i ORCA-s dhe shqetësimeve të organizatave të tjera të shoqërisë civile.

Një numër i madh parregullsish janë shënuar te raportet e komisioneve vlerësuese pranë fakulteteve përkatëse, për kandidatët e propozuar. Listimet e aktiviteteve shkencor kanë qenë në raste të shumta të gabuara. P.sh: në rastet kur punimi ka qenë kontribut në libër është paraqitur si publikim shkencor në revistë shkencore; apo rastet e pjesëmarrjes në konferenca janë listuar po ashtu si publikime shkencore në revista shkencore. Komisionet vlerësuese gjithashtu kanë pranuar punime që nuk janë botuar ende, edhe pse

rregullorja 465, neni 6, thotë që punimet duhet të jenë të botuara në kohën e aplikimit.

Shqetësim të veçantë përbëjnë rastet kur anëtarët e komisionit vlerësues kanë vlerësuar punimin ku dhe vetë kanë qenë koautor.

Komisionet vlerësuese siç janë tashmë janë të papranueshme, dhe lënë shumë hapësirë për konflikt interesi, nepotizëm, klientelizëm. Një mënyrë për të shmangur këtë, do ishte që komisionet vlerësuese të kenë pjesëmarrje ndërkombëtare.

Një mënyrë tjetër do ishte një autoritet qendror me pjesëmarrje ndërkombëtare që verifikon, unifikon dhe dhuron titujt akademikë.

FAKULTETI FILOZOFIK

Në Fakultetin Filozofik, buletinin numër 3, të shpallur më 30 maj 2018, janë rekomanduar pozitivisht nga komisionet vlerësuese 12 kandidatë. Nga këta 12 kandidatë, dy kanë kandiduar për profesorë të rregullt, dy për profesorë të asocuar, dhe tetë për profesorë asistent.

Nga 12 kandidatët e vlerësuar pozitivisht nga komisionet vlerësuese, ORCA ka vlerësuar pozitivisht vetëm shtatë nga ta, të shpërndarë nëpër tituj akademikë.

Fakulteti Filozofik			
Titulli akademik i propozuar	Numri i kandidatëve	Pozitiv nga ORCA	Negativ nga ORCA
Profesor i rregullt	2	1	1
Profesor i asocuar	2	0	2
Profesor asistent	8	6	2
Total	12	7	5

Disa nga kandidatët e këtij fakulteti kanë kandiduar për lëndë që nuk kanë të bëjnë me Albanologji, por punimet i kanë të gjitha të fushës së Albanologjisë, ose të publikuara në revista të Albanologjisë. Këto punime nuk janë pranuar për asnjë kandidat që nuk i ka lëndët e fushës.

Gjithashtu, vlen të përmendet që nga 12 kandidatët e vlerësuar pozitivisht nga komisionet vlerësuese, vetëm tre janë gra.

FAKULTETI I SHKENCAVE MATEMATIKO – NATYRORE

Në Fakultetin e Shkencave Matematiko – Natyrore (FSHMN), buletinet numër 4 dhe 5, të shpallur më 4 qershor 2018, janë rekomanduar pozitivisht nga komisionet vlerësuese 27 kandidatë. Nga këta 27 kandidatë, dhjetë kanë kandiduar për profesorë të rregullt, 11 për profesorë të asocuar, dhe gjashtë për profesorë asistent.

Për një pozitë janë vlerësuar pozitivisht dy kandidatë; njëri kandidat është rekomanduar nga dy anëtarë të komisionit, dhe kandidati tjetër nga anëtari i tretë i komisionit.

Nga 27 kandidatët e vlerësuar pozitivisht nga komisionet vlerësuese, ORCA ka vlerësuar pozitivisht 21 nga ta, të shpërndarë nëpër tituj akademikë.

Fakulteti i Shkencave Matematiko – Natyrore			
Titulli akademik i propozuar	Numri i kandidatëve	Pozitiv nga ORCA	Negativ nga ORCA
Profesor i rregullt	10	7	3
Profesor i asocuar	11	10	1
Profesor asistent	6	4	2
Total	27	21	6

11 kandidatë të vlerësuar pozitivisht nga komisionet vlerësuese kanë publikuar të paktën një herë në revista të dyshimta.

FAKULTETI I FILOLOGJISË

Në Fakultetin e Filologjisë, në buletinin numër 7 të shpallur më 5 qershor 2018 dhe buletinin numër 15 të shpallur më 8 qershor 2018, janë rekomanduar pozitivisht nga komisionet vlerësuese 16 kandidatë. Nga këta 16 kandidatë, katër kanë kandiduar për profesorë të rregullt, gjashtë për profesorë të asocuar, dhe gjashtë për profesorë asistent.

Nga 16 kandidatët e vlerësuar pozitivisht nga komisionet vlerësuese, ORCA ka vlerësuar pozitivisht 9 nga ta, të shpërndarë nëpër tituj akademikë.

Fakulteti i Filologjisë			
Titulli akademik i propozuar	Numri i kandidatëve	Pozitiv nga ORCA	Negativ nga ORCA
Profesor i rregullt	4	2	2
Profesor i asocuar	6	3	3
Profesor asistent	6	4	2
Total	16	9	7

Disa nga kandidatët e këtij fakulteti kanë kandiduar për lëndë që nuk kanë të bëjnë me Albanologji, por punimet i kanë të gjitha të fushës së Albanologjisë, ose të publikuara në revista Albanologjie. Këto punime nuk janë pranuar për asnjë kandidat që nuk i ka lëndët e fushës.

Gjithashtu, revistat “Studime – ASHAK”, “Studime Albanologjike”, “Gjurmime Albanologjike”, “Studime Filologjike”, dhe “Symbol”, janë revista vendore ose të vendeve fqinje dhe nuk janë të indeksuara në Scopus ose Ueb of Science. Gjithashtu, nuk kemi arritur të vërtetojmë që këto revista kanë redaksi ndërkombëtare siç kërkohet nga UA1/2018 për revistat e fushës së albanologjisë.

FAKULTETI JURIDIK

Në Fakultetin Juridik, në buletinin numër 20 të shpallur më 14 qershor 2018, buletinin 21 të shpallur më 20 qershor 2018 dhe buletinin numër 26 të shpallur më 17 korrik 2018, janë rekomanduar pozitivisht nga komisionet vlerësuese nëntë kandidatë. Nga këta nëntë kandidatë, gjashtë kanë kandiduar për profesorë të rregullt, dy për profesorë të asocuar, dhe një për profesor asistent.

Nga nëntë kandidatët e vlerësuar pozitivisht nga komisionet vlerësuese, ORCA ka vlerësuar pozitivisht shtatë nga ta, të shpërndarë nëpër tituj akademikë.

Fakulteti Juridik			
Titulli akademik i propozuar	Numri i kandidatëve	Pozitiv nga ORCA	Negativ nga ORCA
Profesor i rregullt	6	5	1
Profesor i asocuar	2	1	1
Profesor asistent	1	1	0
Total	9	7	2

Shtatë nga nëntë profesorët kanë publikuar të paktën një herë në revista të Acta Universitatis Danubius, disa duke publikuar deri në dhjetë herë aty.

Një profesor i propozuar për titullin profesor i rregullt ka publikuar 16 herë në revista të dyshimta.

FAKULTETI EKONOMIK

Në Fakultetin Ekonomik, në buletin numër 2 të shpallur më 28 qershor 2018, janë rekomanduar pozitivisht nga komisionet vlerësuese 10 kandidatë. Nga këta 10 kandidatë, katër kanë kandiduar për profesorë të rregullt dhe gjashtë për profesorë të asocuar.

Nga 10 kandidatët e vlerësuar pozitivisht nga komisionet vlerësuese, ORCA ka vlerësuar pozitivisht 8 nga ta, të shpërndarë nëpër tituj akademikë.

Fakulteti Ekonomik			
Titulli akademik i propozuar	Numri i kandidatëve	Pozitiv nga ORCA	Negativ nga ORCA
Profesor i rregullt	4	2	2
Profesor i asocuar	6	6	0
Profesor asistent	0	0	0
Total	10	8	2

Tre nga dhjetë profesorët kanë publikuar të paktën një herë në revista të Acta Universitatis Danubius, disa duke publikuar deri në dhjetë herë aty.

Tre profesorë kanë publikuar në revista të dyshimta.

FAKULTETI I NDËRTIMTARISË DHE I ARKITEKTURËS

Në Fakultetin e Ndërtimtarisë dhe Arkitekturës (FNA), në buletin numër 8 të shpallur më 6 qershor 2018 dhe buletin 25 të shpallur më 6 korrik 2018, janë rekomanduar pozitivisht nga komisionet vlerësuese 17 kandidatë. Nga këta 17 kandidatë, një ka kandiduar për profesor të rregullt, shtatë për profesorë të asocuar, dhe nëntë për profesorë asistent.

Nga 17 kandidatët e vlerësuar pozitivisht nga komisionet vlerësuese, ORCA ka vlerësuar pozitivisht 12 nga ta, të shpërndarë nëpër tituj akademikë.

Fakulteti i Ndërtimtarisë dhe Arkitekturës			
Titulli akademik i propozuar	Numri i kandidatëve	Pozitiv nga ORCA	Negativ nga ORCA
Profesor i rregullt	1	0	1
Profesor i asocuar	7	4	3
Profesor asistent	9	8	1
Total	17	12	5

Pesë nga nëntë kandidatët për profesorë asistent janë mbi moshën 50 vjeçare, që sipas rregullativave në fuqi nuk lejohen të zgjedhën si staf akademik për herë të parë.

FAKULTETI I INXHINIERISË ELEKTRIKE DHE KOMPJUTERIKE

Në Fakultetin e Inxhinierisë Elektrike dhe Kompjuterike (FIEK), në buletin numër nëntë të shpallur më 6 qershor 2018, janë rekomanduar pozitivisht nga komisionet vlerësuese nëntë kandidatë. Nga këta nëntë kandidatë, një ka kandiduar për profesor të rregullt, katër për profesorë të asocuar, dhe katër për profesorë asistent.

Nga nëntë kandidatët e vlerësuar pozitivisht nga komisionet vlerësuese, ORCA ka vlerësuar pozitivisht tetë nga ta, të shpërndarë nëpër tituj akademikë.

Fakulteti i Inxhinierisë Elektrike dhe Kompjuterike			
Titulli akademik i propozuar	Numri i kandidatëve	Pozitiv nga ORCA	Negativ nga ORCA
Profesor i rregullt	1	1	0
Profesor i asocuar	4	3	1
Profesor asistent	4	4	0
Total	9	8	1

Tre nga profesorët kanë publikuar në dy revista të dyshimta, të paraqitura nga ORCA në analizën e saj për Fakultetin e Inxhinierisë Mekanike.

Dy nga profesorët që kandidojnë për profesorë asistent janë mbi moshën 50 vjeçare.

FAKULTETI I INXHINIERISË MEKANIKE

Në Fakultetin e Inxhinierisë Mekanike (FIM), në buletin numër 1 të shpallur më 24 maj 2018, janë rekomanduar pozitivisht nga komisionet vlerësuese 11 kandidatë. Nga këta 11 kandidatë, tetë kanë kandiduar për profesorë të rregullt, dy për profesorë

të asocuar, dhe një për profesor asistent.

Nga 11 kandidatët e vlerësuar pozitivisht nga komisionet vlerësuese, ORCA ka vlerësuar pozitivisht 11 nga ta, të shpërndarë nëpër tituj akademikë.

Fakulteti i Inxhinierisë Mekanike			
Titulli akademik i propozuar	Numri i kandidatëve	Pozitiv nga ORCA	Negativ nga ORCA
Profesor i rregullt	8	8	0
Profesor i asocuar	2	2	0
Profesor asistent	1	1	0
Total	11	11	0

Nga këta 11 kandidatë, 10 kanë publikuar 5 deri 19 artikuj në revista shkencore brenda vitit 2017 - 2018, pra mesatarisht pesë punime në vit për person.

Revista e cila ka mundësuar botimet të shpejta dhe me frekuencë të lartë është International Journal of Mechanical Engineering and Technology me adresë në Indi, ku 10 kandidatët kanë publikuar në total 40 herë, secili 3 deri në 6 herë brenda viteve 2017-2018, si autor i parë ose korrespondent. Kjo revistë është e indeksuar në Scopus, kurse publikuesi "International Association of Engineering and Management Education (IAEME)" figuron dhe në listën e Beall-it të publikuesve të dyshimtë. Kjo revistë botohet çdo muaj me mbi 150 punime në muaj. Disa nga punimet që ORCA i ka parë, duke përfshi edhe punimet e profesorëve të FIM-it, janë me gabime drejtshkrimore në gjuhën angleze dhe kanë përmbajtje të njëjtë në disa pjesë të tyre. Këto dy praktika janë të papranueshme në revista të mirëfillta shkencore.

Në revistën ANNALS of Faculty Engineering Hunedoara– International Journal of Engineering nga Romania, 5 nga 10 kandidatët në total kanë publikuar 12 punime, 10 nga ta si autor të parë apo korrespon-

dent, secili 2 deri në 3 herë.

Kurse publikuesi nga Bulgaria, Scientific Technical Union of Mechanical Engineering, ka mundësuar që 7 nga 10 kandidatët të publikojnë në revistat e tij, gjithsej 22 punime, ku secili nga këta 7 kandidatë kanë publikuar 1 deri 5 herë si autor të parë ose korrespondent.

Edhe pse këto revista i përmbushin kriteret formale, mënyra e publikimeve në afat të shkurtër dhe me frekuencë të lartë e vënë në dyshim serioz cilësinë e revistës. Revistat e mirëfillta shkencore kërkojnë kohë më të gjatë për publikimin e punimeve, sepse punimet i nënshtrohen procesit të shqyrtimit dhe recenzionit. Është e rëndësishme që në Universitetin e Prishtinës të vendosen praktika institucionale për integritet të lartë akademik, sidomos në procesin e zgjedhjes së profesorëve, të cilat duhet të jenë në baza meritore. ORCA konsideron se ky lloj publikimi rapid, e dëmton thellësisht Universitetin e Prishtinës, por edhe përçon mesazh të gabuar te studentët, që për arritjen e suksesit nuk nevojitet angazhim serioz shkencor në akademi.

FAKULTETI I MJEKËSISË

Në Fakultetin e Mjekësisë, buletin numër 16 të shpallur më 12 qershor 2018, buletin numër 17 të shpallur më 12 qershor 2018, buletin numër 18 të shpallur më 13 qershor 2018, buletin numër 21 të shpallur më 20 qershor 2018, buletin numër 22 të shpallur më 22 qershor 2018, buletin numër 23 të shpallur më 29 qershor 2018, buletin numër 24 të shpallur më 6 korrik 2018, buletin numër 25 të shpallur më 6 korrik 2018, dhe buletin numër 26 të shpallur më 17 korrik 2018, janë rekomanduar pozitivisht nga komisionet vlerësuese 62 kandidatë.

Nga këta 62 kandidatë, nëntë kanë kandiduar për profesorë të rregullt, 17 për profesorë të asocuar, dhe 36 për profesorë asistent.

Te profesorët e asocuar, janë dy profesorë që kanë kandiduar për të njëjtën pozitë, dhe njëri është rekomanduar nga dy anëtarë komisioni, tjetri nga një anëtar komisioni.

Te profesorët asistent, janë tre pozita ku janë rekomanduar pesë kandidatë nga anëtarë të ndryshëm komisioni në të tre pozitat.

Për këto katër pozita (13 profesorë), do vendoset në Këshill të Fakultetit të Mjekësisë ose në Senatin e UP-së.

Nga 62 kandidatët e vlerësuar pozitivisht nga komisionet vlerësuese, ORCA ka vlerësuar pozitivisht 53 nga ta, të shpërndarë nëpër tituj akademikë.

Fakulteti i Mjekësisë			
Titulli akademik i propozuar	Numri i kandidatëve	Pozitiv nga ORCA	Negativ nga ORCA
Profesor i rregullt	9	6	3
Profesor i asocuar	17	12	5
Profesor asistent	36	35	1
Total	62	53	9

FAKULTETI I BUJQËSISË DHE VETERINARISË

Në Fakultetin e Bujqësisë dhe Veterinarisë (FBV), në buletinin numër 14 të shpallur më 8 qershor 2018, janë rekomanduar pozitivisht nga komisionet vlerësuese 16 kandidatë. Nga këta 16 kandidatë, katër kanë kandiduar për profesorë të rregullt, pesë për profesorë të asocuar, dhe shtatë për profesorë asistent.

Dy kandidatë janë propozuar për të njëjtën pozitë, duke i dhënë përparësi kandidates femër nëse asaj i botohet punimi para vendimit të senatit, përndryshe do avancohet kandidati tjetër.

Nga 16 kandidatët e vlerësuar pozitivisht nga komisionet vlerësuese, ORCA ka vlerësuar pozitivisht 11 nga ta, të shpërndarë nëpër tituj akademikë.

Fakulteti i Bujqësisë dhe Veterinarisë			
Titulli akademik i propozuar	Numri i kandidatëve	Pozitiv nga ORCA	Negativ nga ORCA
Profesor i rregullt	4	1	3
Profesor i asocuar	5	5	0
Profesor asistent	7	6	1
Total	16	12	4

FAKULTETI I EDUKIMIT FIZIK DHE SPORTIT

Në Fakultetin e Edukimit Fizik dhe Sportit, në buletinin numër 19 të shpallur më 14 qershor 2018, janë rekomanduar pozitivisht nga komisionet vlerësuese katër kandidatë. Nga këta katër kandidatë, tre kanë kandiduar për profesorë të rregullt dhe një për profesor asistent.

Dy nga kandidatët për profesorë të rregullt janë rekomanduar për rizgjedhje në pozitën profesor i asocuar.

Nga katër kandidatët e vlerësuar pozitivisht nga komisionet vlerësuese, ORCA ka vlerësuar pozitivisht një nga ta.

Fakulteti i Edukimit Fizik dhe Sportit			
Titulli akademik i propozuar	Numri i kandidatëve	Pozitiv nga ORCA	Negativ nga ORCA
Profesor i rregullt	3	0	3
Profesor i asocuar	0	0	0
Profesor asistent	1	1	0
Total	4	1	3

FAKULTETI I EDUKIMIT

Në Fakultetin e Edukimit, në buletin numër 13 të shpallur më 8 qershor 2018, janë rekomanduar pozitivisht nga komisionet vlerësuese shtatë kandidatë. Nga këta shtatë kandidatë, një ka kandiduar për profesor të rregullt, dy për profesorë të asocuar dhe katër për profesor asistent.

Një nga kandidatët është nga fusha e artit figurativ, dhe rrjedhimisht sipas metodologjisë nuk është shqyrtuar nga ORCA.

Nga gjashtë kandidatët e vlerësuar pozitivisht nga komisionet vlerësuese, ORCA ka vlerësuar pozitivisht katër nga ta.

Fakulteti i Edukimit			
Titulli akademik i propozuar	Numri i kandidatëve	Pozitiv nga ORCA	Negativ nga ORCA
Profesor i rregullt	1	0	1
Profesor i asocuar	1	1	0
Profesor asistent	4	3	1
Total	6	4	2

Një kandidat ka publikuar vetëm në revista vendore dhe fqinje të fushës së albanologjisë që nuk kanë redaksi ndërkombëtare, dhe rrjedhimisht nuk njihen sipas UA1/2018.

ORCA është anëtare e Koalicionit për Integritet dhe Transparencë në Universitet - KITU, mbështetur nga Fondacioni i Kosovës për Shoqëri të Hapur - KFOS. Ky raport është pjesë e programit të KITU-së. Ky grant është realizuar me përkrahjen e projektit Sfidimi i Korrupsionit në Arsimin e Lartë i financuar nga Fondacioni i Kosovës për Shoqëri të Hapur (KFOS).



Ky botim është realizuar me përkrahjen e projektit Promovimi i Shoqërisë Demokratike (DSP) – i financuar nga Agjencia Zvicerane për Zhvillim dhe Bashkëpunim (SDC) dhe Ministria e Punëve të Jashtme e Danimarkës (DANIDA) dhe menaxhuar nga Fondacioni Kosovar për Shoqëri Civile (KCSF).

